

# საქართველოს კანონი

## მაჭახელას ეროვნული პარკის შესახებ

### მუხლი 1. ძირითადი დებულებანი

1. აჭარის ავტონომიური რესპუბლიკის უნიკალური ბიოლოგიური და ლანდშაფტური მრავალფეროვნების შენარჩუნების, კოლხური ტყეების ეკოსისტემების გრძელვადიანი დაცვის, ეკოლოგიური უსაფრთხოებისა და ბუნებრივ გარემოში ტურისტული და რეკრეაციული საქმიანობის განვითარების უზრუნველყოფის მიზნით ხელვაჩაურისა და ქედის მუნიციპალიტეტების ადმინისტრაციული საზღვრების ფარგლებში მოქცეულ სახელმწიფო ტყის ფონდის მიწებს, რომელთა საერთო ფართობია 8733 ჰექტარი, მიენიჭოს დაცული ტერიტორიის კატეგორიის – ეროვნული პარკის – სტატუსი და ეწოდოს მაჭახელას ეროვნული პარკი.

2. მაჭახელას ეროვნული პარკის საერთო ფართობისათვის მიკუთვნებული ტერიტორია იყოფა შემდეგ ბუნებრივ-გეოგრაფიულ ნაწილებად:

ა) მაჭახელას ეროვნული პარკის ჩრდილოეთი ნაწილი – მისი საერთო ფართობია 2945 ჰექტარი. ჩრდილოეთი ნაწილი მდებარეობს ხელვაჩაურისა და ქედის მუნიციპალიტეტების ადმინისტრაციული საზღვრების ფარგლებში მოქცეულ სახელმწიფო ტყის ფონდის მიწებზე და მოიცავს:

ა.ა) ხელვაჩაურის ყოფილი სატყეო მეურნეობის მაჭახელას სატყეოს №2 კვარტალის №10 და №№12–13 ლიტერებსა და №№3–11 კვარტალებს – სულ 1500 ჰექტარს;

ა.ბ) ხელვაჩაურის ყოფილი სამეურნეობათაშორისო სატყეო მეურნეობის აჭარისწყლის ტყის უბნის №12 კვარტალის №4<sup>ა</sup> ლიტერის ნაწილსა და №5 ლიტერს, №16 კვარტალის №1<sup>ა</sup> და №2 ლიტერების ნაწილსა და №3, №3<sup>ა</sup> და №5 ლიტერებს – სულ 81 ჰექტარს;

ა.გ) ხელვაჩაურის ყოფილი სამეურნეობათაშორისო სატყეო მეურნეობის ქედქედის ტყის უბნის №№1–6 კვარტალების ნაწილს – სულ 201 ჰექტარს;

ა.დ) ხელვაჩაურის ყოფილი სამეურნეობათაშორისო სატყეო მეურნეობის ჩხუტუნეთის ტყის უბნის №№1–6 კვარტალების ნაწილს, №7 კვარტალს, №№8–9, №№13–14, №16 და №20 კვარტალების ნაწილსა და №№21–22 კვარტალებს – სულ 1028 ჰექტარს;

ა.ე) ქედის ყოფილი სამეურნეობათაშორისო სატყეო მეურნეობის დოლოგნის ტყის უბნის №32 კვარტალის №6<sup>ა</sup> ლიტერის ნაწილს, №33 კვარტალის №1<sup>ბ</sup>, №3<sup>ბ</sup>, №№4<sup>ბ</sup>–4<sup>გ</sup>, №№5–5<sup>ბ</sup> და №6<sup>ბ</sup> ლიტერებს, №36 კვარტალის №№1–2<sup>ბ</sup> და №№3–4 ლიტერების ნაწილსა და №№5–5<sup>ბ</sup>, №№6–6<sup>ბ</sup> და №7 ლიტერებს – სულ 135 ჰექტარს;

ბ) მაჭახელას ეროვნული პარკის სამხრეთი ნაწილი – მისი საერთო ფართობია 5788 ჰექტარი. სამხრეთი ნაწილი მდებარეობს ხელვაჩაურის მუნიციპალიტეტის ადმინისტრაციული საზღვრების ფარგლებში მოქცეულ სახელმწიფო ტყის ფონდის მიწებზე და მოიცავს:

ბ.ა) ხელვაჩაურის ყოფილი სატყეო მეურნეობის მაჭახელას სატყეოს №№12–29 კვარტალებს – სულ 2809 ჰექტარს;

ბ.ბ) ხელვაჩაურის ყოფილი სამეურნეობათაშორისო სატყეო მეურნეობის კირნათის ტყის უბნის №13 კვარტალის ნაწილს, №14 კვარტალს, №15 კვარტალის ნაწილსა და №№16–19 კვარტალებს – სულ 660 ჰექტარს;

ბ.გ) ხელვაჩაურის ყოფილი სამეურნეობათაშორისო სატყეო მეურნეობის ქედქედის ტყის უბნის №№7–19 კვარტალების ნაწილსა და №15 კვარტალს – სულ 1099 ჰექტარს;

ბ.დ) ხელვაჩაურის ყოფილი სამეურნეობათაშორისო სატყეო მეურნეობის ჩხუტუნეთის ტყის უბნის №№10–12, №15, №№17–19 და №№23–27 კვარტალების ნაწილსა და №№28–30 კვარტალებს – სულ 1220 ჰექტარს.

3. მაჭახელას ეროვნული პარკის საერთო ფართობისათვის მიკუთვნებული სახელმწიფო ტყის ფონდის მიწების სატყეო და სამეურნეობათაშორისო სატყეო მეურნეობების, სატყეოების/ტყის უბნების, კვარტალებისა და ლიტერების, რომლებიც ამ მუხლის მე-2 პუნქტითაა განსაზღვრული, მიხედვით აღწერის საფუძველია:

ა) ხელვაჩაურის ყოფილი სატყეო მეურნეობისათვის – ხელვაჩაურის სატყეო მეურნეობის ტყის მეურნეობის ორგანიზებისა და განვითარების 1997–2007 წლებისათვის შედგენილი გეგმის პროექტი;

ბ) ხელვაჩაურის ყოფილი სამეურნეობათაშორისო სატყეო მეურნეობისათვის – ხელვაჩაურის სამეურნეობათაშორისო სატყეო მეურნეობის ტყის მეურნეობის ორგანიზებისა და განვითარების 1983–1993 წლებისათვის შედგენილი გეგმის პროექტი;

გ) ქედის ყოფილი სამეურნეობათაშორისო სატყეო მეურნეობისათვის – ქედის სამეურნეობათაშორისო სატყეო მეურნეობის ტყის მეურნეობის ორგანიზებისა და განვითარების 1983–1993 წლებისათვის შედგენილი გეგმის პროექტი.

### მუხლი 2. მაჭახელას ეროვნული პარკის მდებარეობა

მაჭახელას ეროვნული პარკის ტერიტორიის გარე პერიმეტრი მდებარეობს შემდეგ გეოგრაფიულ კოორდინატებში:

ა) ჩრდილოეთი ბუნებრივ-გეოგრაფიული ნაწილისა:

№	X	Y	№	X	Y	№	X	Y
---	---	---	---	---	---	---	---	---



1	726980	4599912	16	740096	4599904	31	734736	4601023
2	728317	4600454	17	740114	4599410	32	733803	4600650
3	735335	4601702	18	739439	4599016	33	733763	4601221
4	741206	4601751	19	739411	4598769	34	733591	4600671
5	745791	4600356	20	738649	4598485	35	733577	4601288
6	741535	4596120	21	738365	4599250	36	731870	4600892
7	741139	4596373	22	737875	4599258	37	731016	4600481
8	740858	4596365	23	737558	4600030	38	730060	4600313
9	739942	4596572	24	737068	4599409	39	729427	4599710
10	740186	4597302	25	736241	4599970	40	729239	4599950
11	739252	4598137	26	736016	4599731	41	728796	4600190
12	740340	4598917	27	735292	4600288	42	728436	4599766
13	741391	4599370	28	735062	4599888	43	728104	4599827
14	741443	4599887	29	735216	4599474	44	728081	4599633
15	740721	4600089	30	733913	4600194			

ბ) სამხრეთი ბუნებრივ-გეოგრაფიული ნაწილისა:

№	X	Y	№	X	Y	№	X	Y
45	726339	4594917	60	735268	4595307	75	738567	4596507
46	728251	4596390	61	734966	4596256	76	738606	4595487
47	728086	4597093	62	735167	4596656	77	738846	4595431
48	728647	4597922	63	734414	4597700	78	738863	4595687
49	729651	4598103	64	735524	4598142	79	739566	4595735
50	730179	4597657	65	735708	4598712	80	740263	4595686
51	731177	4598793	66	736308	4598587	81	741064	4596007
52	732191	4598927	67	736541	4598145	82	740827	4595763
53	732261	4599629	68	736911	4597524	83	741190	4596035
54	733333	4599012	69	736973	4597927	84	741335	4596039
55	733159	4598528	70	737851	4597776	85	741522	4595912
56	733593	4597878	71	737132	4597254	86	741444	4596040
57	733339	4597383	72	737743	4597394	87	741525	4596045
58	733483	4597069	73	738091	4597423			
59	734041	4596711	74	738318	4596527			

**მუხლი 3. მაჭახელას ეროვნული პარკის დაცვისა და გამოყენების რეჟიმი**

1. მაჭახელას ეროვნული პარკის დაცვისა და გამოყენების რეჟიმი განისაზღვრება საქართველოს კანონმდებლობისა და მაჭახელას ეროვნული პარკის მენეჯმენტის გეგმის შესაბამისად.
2. მაჭახელას ეროვნული პარკის საერთო ფართობისათვის მიკუთვნებული სახელმწიფო ტყის ფონდის მიწები სახელმწიფოს საკუთრებაა და გასხვისებას არ ექვემდებარება.
3. საქართველოს კანონმდებლობით დადგენილი წესით და მაჭახელას ეროვნული პარკის მენეჯმენტის გეგმის შესაბამისად მაჭახელას ეროვნული პარკის ტერიტორიაზე დასაშვებია ბუნებრივი რესურსებით (გარდა წიაღისა) რაციონალური სარგებლობა, მაჭახელას ეროვნული პარკის მიმდებარე თემებში შემავალი დასახლებული პუნქტების მოსახლეობის საჭიროებათა გათვალისწინებით.
4. მაჭახელას ეროვნული პარკის ტერიტორიაზე აკრძალულია წიაღით სარგებლობა და სამონადირეო მეურნეობის მოწყობა.

**მუხლი 4. მაჭახელას ეროვნული პარკის მართვა**

1. მაჭახელას ეროვნული პარკის სახელმწიფო მართვა ხორციელდება „დაცული ტერიტორიების სისტემის შესახებ“ საქართველოს კანონის შესაბამისად.
2. სხვა სახელმწიფო უწყებები და ადგილობრივი თვითმმართველობის ორგანოები მაჭახელას ეროვნული პარკის მართვაში მონაწილეობენ საქართველოს კანონმდებლობით დადგენილი წესით, თავიანთი კომპეტენციის ფარგლებში, ეროვნული პარკის მართვის ორგანოსთან კოორდინირებული მოქმედების საფუძველზე.

**მუხლი 5. მაჭახელას ეროვნული პარკის შექმნასთან დაკავშირებული მიწათსარგებლობისა და ბუნებრივი რესურსებით სარგებლობასთან დაკავშირებული საკითხები**



ეს კანონი არ ვრცელდება მაჭახელას ეროვნული პარკის ამ კანონით დადგენილი საზღვრების ფარგლებში ამავე კანონის ამოქმედებამდე არსებულ:

ა) ქონებრივ ურთიერთობებზე (მიწის ნაკვეთების ყიდვა-გაყიდვის, უზუფრუქტის, აღნაგობის, ქირავნობის, გაცვლის, გაჩუქების, მემკვიდრეობით გადაცემის, იპოთეკისა და იჯარით გაცემის შემთხვევებში არსებულ ურთიერთობათა ჩათვლით);

ბ) ბუნებრივი რესურსებით სარგებლობასთან დაკავშირებულ ურთიერთობებზე.

## **მუხლი 6. გარდამავალი დებულებანი**

1. მაჭახელას ეროვნული პარკის ტერიტორიის ინვენტარიზაცია (მიწის ფართობის საზღვრების ნატურაში გამოიჯნა და საბოლოო დაზუსტება) და სამიწათმოქმედო დოკუმენტაციის მომზადების სამუშაოები ხორციელდება საქართველოს კანონმდებლობის შესაბამისად.

2. მაჭახელას ეროვნული პარკის მენეჯმენტის გეგმის (რომელშიც გათვალისწინებული უნდა იყოს ამ კანონის მე-3 მუხლის მე-3 პუნქტის მოთხოვნა) ამოქმედებამდე მაჭახელას ეროვნული პარკის საზღვრების ფარგლებში მოქცეულ ტყის ფონდის მიწებზე არსებულ ტყეებში (ტყით დაფარულ ფართობებზე) დასაშვებია მაჭახელას ეროვნული პარკის მიმდებარე თემებში შემავალი დასახლებული პუნქტების მოსახლეობის საჭიროებისათვის საშეშე მერქნის დამზადება, აგრეთვე ტყის არამერქნული რესურსებით, ტყის მერქნიანი მცენარეების პროდუქტებითა და ხის მეორეხარისხოვანი მასალებით სარგებლობა საქართველოს კანონმდებლობის შესაბამისად.

## **მუხლი 7. დასკვნითი დებულება**

ეს კანონი ამოქმედდეს გამოქვეყნებისთანავე.

საქართველოს პრეზიდენტი

თბილისი,

2012 წლის 15 მაისი.

№6179-რს

მიხეილ სააკაშვილი

